

CONVENIO DE COLABORACIÓN ENTRE A CONSELLERÍA DE SANIDADE, O SERVIZO GALEGO DE SAÚDE, A FUNDACIÓN DEPORTE GALEGO E O CONCELLO DE ABEGONDO POLO QUE SE ESTABECE O DESENVOLVEMENTO DE ACTUACIÓNS CONXUNTAS PARA A IMPLEMENTACIÓN DUN PROXECTO PILOTO PARA A RECOMENDACIÓN DE EXERCICIO FÍSICO ÁS PERSOAS MAIORES DE 60 ANOS USUARIAS DO SISTEMA SANITARIO PÚBLICO DO CONCELLO DE ABEGONDO DENTRO DO PROGRAMA "ADESTRA A TÚA SAÚDE" E O SEU SEGUIMENTO E AVALIACIÓN A TRAVÉS DA PLATAFORMA DE DATOS DE ACTIVIDADE FÍSICA SAUDABLE (D.A.F.I.S.)

REUNIDOS

A Coruña, 6 de xullo de 2022

Dunha parte, don Julio García Comesaña, conselleiro de sanidade e presidente do Servizo Galego de Saúde, de acordo co establecido no artigo 34 da Lei 1/1983, do 22 de febreiro, de normas reguladoras da Xunta e da súa Presidencia, modificada pola lei 11/1988, de 20 de outubro e pola lei 12/2007, de 27 de xullo de conformidade cos Decretos 136/2019 e 137/2019 de 10 de outubro, polos que se establecen as estruturas orgánicas da Consellería de Sanidade e do Servizo Galego de Saúde, respectivamente; así como co establecido na Lei 1/2016, do 18 de xaneiro de transparencia e bo goberno e no establecido na Lei 40/2015, do 1 de outubro, de réxime xurídico do sector público.

Doutra parte, don José Ramón Lete Lasa, presidente da Fundación Deporte Galego, por razón do seu cargo como Secretario Xeral para o Deporte de conformidade co disposto no artigo 13 dos estatutos da Fundación Deporte Galego, e do artigo 17.3 da Lei 12/2006, de 1 de decembro, de Fundacións de Interese Galego.

E doutra parte, don José Antonio Santiso Miramontes, Alcalde-Presidente do concello de Abegondo.

As partes recoñécense entre si capacidade xurídica suficiente e poder bastante para obrigarse neste acordo e para tal efecto,

EXPOÑEN

Primeiro.- Que as partes consideran de interese común promover conxuntamente un estilo de vida activa e saudable a través do fomento da actividade física e vida activa dende a infancia ata a vellez, para garantir unha mellor calidade de vida e, concretamente, nas persoas maiores para manter a autonomía persoal e previr a dependencia.

Segundo.- Que a evidencia científica amosa que ter unha vida activa practicando exercicio físico de forma regular é unha maneira eficaz de previr múltiples patoloxías, aumentar a autoestima, evitar o consumo de substancias tóxicas, mellorar as relacións interpersonais e, en conxunto, aumentar a cantidade e calidade de vida.

Terceiro Que as partes consideran fundamental o traballo coordinado entre os profesionais sanitarios, o concello, os profesionais da actividade física, o exercicio físico e o deporte, e a rede de recursos dispoñibles para a cidadanía existentes no territorio, para facilitar a adherencia á actividade física e que os cambios de hábitos cara unha vida activa e saudable perduren no tempo.

Cuarto.- Que o programa "Adestra a túa Saúde" para a recomendación de exercicio físico desde o ámbito sanitario e o seguimento deste desde o ámbito comunitario, dirixido principalmente ás persoas maiores de 60 anos sas ou con factores de risco cardiovascular, pretende contribuír á mellora da saúde, o benestar e a calidade de vida a través da recomendación de exercicio físico desde o sistema sanitario e o seu seguimento por un/ha promotor/a de exercicio que é persoal propio do concello e que adaptará individualmente, seguirá e avaliará a súa execución cos recursos dispoñibles no concello de Abegondo.

Quinto.- Que a Fundación Deporte Galego ten desenvolvido a Plataforma D.A.F.I.S. (Datos de Actividade Física Saudable) de Galicia, unha iniciativa incluída dentro do Plan de Fomento de Actividade Física "Galicia Saudable", recoñecida no ano 2018 pola Organización Mundial da Saúde - Europa (OMS) como boa práctica para implantar en todos os países do marco europeo e que pon a disposición deste proxecto para a avaliación da condición física.

Sexto.- Que é desexo das partes asinantes formalizar un convenio, que instrumente e regule a colaboración para o desenvolvemento dun programa piloto de "Adestra a túa Saúde".

Por isto, as partes acordan subscribir o presente convenio, consonte coas seguintes

CLÁUSULAS

Primeira.- Obxecto

O obxecto do presente convenio é establecer a colaboración conxunta no ámbito da Comunidade Autónoma de Galicia entre a Consellería de Sanidade, a Fundación Deporte Galego e o Concello de Abegondo, para o desenvolvemento dun piloto do programa "Adestra a túa Saúde" e a recollida e tratamento de datos das persoas participantes no devandito programa a través Plataforma D.A.F.I.S.

Segunda.- Compromisos das partes

a) Consellería de Sanidade e Servizo Galego de Saúde

A Consellería de Sanidade, a través da Área Sanitaria da Coruña e Cee do Servizo Galego de Saúde incentivará que os/as profesionais sanitarios de atención primaria prescriban exercicio físico aos/ás seus pacientes como recurso terapéutico e de prevención das enfermidades crónicas non transmisibles, para a mellora do estado de saúde da cidadanía galega e, de xeito especial, dos usuarios do Sistema Público de Saúde de Galicia maiores de 60 anos sen grandes limitacións para a realización de exercicio.

A descrición das tarefas a realizar polo persoal implicado en todo o programa descríbense no Anexo I.

b) Concello de Abegondo

O Concello de Abegondo designará unha persoa promotora de exercicio físico.

Terá a titulación de Licenciatura/grao en Ciencias da Actividade Física e o Deporte e con formación no ámbito da actividade física e do exercicio para a mellora da saúde.

c) Fundación Deporte Galego

A Fundación Deporte Galego será a responsable da formación e coordinación dos promotores de exercicio para o correcto funcionamento do programa.

Terceira.- Custodia da Plataforma D.A.F.I.S. e deber de confidencialidade

A Plataforma D.A.F.I.S. integrará as probas de condición física relacionadas coa saúde realizadas polo persoal promotor de exercicio físico do Programa "Adestra a túa saúde". Estas últimas consistirán en medidas antropométricas e resultados de probas físicas das persoas que participen no programa. Corresponde ao persoal promotor de exercicio físico a recollida desta información de xeito individualizado para cada usuario/a. Esta información alimenta á Plataforma e da soporte ás actuacións posteriores de elaboración de informes e estatísticas, para o traballo individualizado de mellora do nivel de condición física relacionada coa saúde.

Os datos necesarios para a inclusión no programa da persoa participante serán cedidos pola Consellería de Sanidade para a súa incorporación na Plataforma D.A.F.I.S., a través dos mecanismos de interoperabilidade necesarios e despois do consentimento da persoa usuaria.

A Fundación Deporte Galego, como responsable do tratamento dos datos da Plataforma D.A.F.I.S., adoptará todas as medidas precisas para garantir a confidencialidade dos datos e da información contida nela. Así mesmo, toda persoa que, no exercicio profesional das súas funcións, teña coñecemento dos datos e informacións contidas na Plataforma, terá a obriga de reserva e sigilo absoluto respecto destes.

O tratamento dos datos é confidencial, sendo accesibles exclusivamente para o persoal promotor de exercicio físico que unicamente terá acceso aos datos das persoas que teña asignadas durante o tempo en que as teña asignadas. As persoas participantes no programa poderán acceder aos seus propios datos, así como á información estatística comparativa dos seus resultados.

Así mesmo, serán accesibles para o persoal sanitario do Servizo Galego de Saúde os datos das persoas usuarias do sistema sanitario aos lles corresponda a súa atención.

Unha vez que os datos das valoracións sexan introducidos na Plataforma D.A.F.I.S., a Fundación Deporte Galego, elaborará e fará públicas as estatísticas para cada grupo de idade e sexo en Galicia, sen ter acceso individualizado aos datos das persoas participantes. Estas estatísticas permiten que o persoal promotor de exercicio físico e as/os participantes poidan coñecer a comparativa dos seus resultados cos valores normativos para a poboación.

Cuarta.- Recollida de datos

A Fundación Deporte Galego xestionará as oportunas autorizacións de acceso á Plataforma para o persoal promotor de exercicio físico do Concello de Abegondo para o Programa "Adestra a túa saúde", como instrumento que lles facilitará a recollida e tratamento dos datos dos informes de pautas individuais de exercicio, e das medidas antropométricas e dos resultados das probas físicas. En concreto, o persoal promotor de exercicio físico autorizado poderá recoller datos e rexistralos na plataforma e consultalos, así como extraer os informes para a avaliación das persoas participantes.

O persoal promotor de exercicio físico unicamente poderá tratar os datos da Plataforma D.A.F.I.S. coas finalidades previstas na normativa vixente en materia de deporte, e terá a obriga de manter o deber de segredo respecto dos datos de carácter persoal aos que teña acceso, incluso ao remate da súa actuación.

O persoal sanitario do Servizo Galego de Saúde que teña acceso a información de resultados das medidas antropométricas e probas físicas da Plataforma D.A.F.I.S., só poderá tratar os datos coas finalidades previstas na normativa en materia de sanidade, e terá a obriga de manter o deber de segredo respecto dos datos de carácter persoal aos que teña acceso, incluso ao remate da súa actuación.

A Fundación Deporte Galego garantirá que a información estea dispoñible unicamente para os/as usuarios/as debidamente autorizados/as, baseándose na asignación de perfís de autorización axeitados ás súas funcións. Con este fin, manterá permanentemente actualizado o rexistro de accesos á Plataforma D.A.F.I.S. que incluírá os perfís de autorización aos/ás distintos/as usuarios/as de acordo coas funcións desempeñadas. Xunto co rexistro de acceso, implantaranse as medidas de control e seguridade necesarias para garantir o acceso, a custodia e a adecuada utilización dos datos.

Para o acceso á Plataforma D.A.F.I.S. a identidade dos/as usuarios/as deberá verificarse por calquera dos sistemas de identificación electrónica previstos na Lei 39/2015, do 1 de outubro, do procedemento administrativo común das administracións públicas, podendo establecerse diferentes sistemas en función do perfil dos/as usuarios/as, e incluíndo expresamente o acceso mediante chave 365 para os/as participantes, ou mediante os sistemas de identificación segura que se establezan para o persoal promotor de exercicio físico.

Quinta.- Elaboración de estudos e conservación de datos

A Fundación Deporte Galego, como responsable da Plataforma D.A.F.I.S., poderá encargar o tratamento a un terceiro, coas debidas garantías de calidade, accesibilidade e seguridade da información.

A Fundación Deporte Galego tratará a información contida na Plataforma D.A.F.I.S. con fins estatísticos, sen posibilidade de acceso aos datos individuais, excepto no caso de que a persoa participante solicite o exercicio dos dereitos de acceso, rectificación, cancelación, oposición ou limitación dos seus datos.

Para aqueles estudos de investigación biomédica que realicen os/as profesionais sanitarios do Servizo Galego de Saúde, que requiran como información complementaria a información contida na Plataforma D.A.F.I.S., solicitarase o consentimento adicional individual dos/as

participantes. Así mesmo deberán contar co informe favorable do Comité de Ética competente.

Os datos recadados conservaranse en condicións que garantan a preservación da información que contén, coas medidas técnicas de seguridade necesarias. A información será conservada como mínimo durante un período de 5 anos, sen prexuízo do establecido noutras normas que sexan de aplicación, en particular, no que atinxe á conservación da información e dos datos de carácter persoal. Estableceranse mecanismos para a extracción e eliminación da dita información sen que iso afecte a información estatística nin a coherencia da información relacionada.

Sexta.- Protección de datos

De conformidade co establecido na lexislación vixente, as partes asinantes aceptan expresamente a incorporación dos seus datos aos ficheiros automatizados corporativos, así como o tratamento automatizado deles, para as finalidades de xestión do presente Convenio.

As partes poderán exercer os dereitos de acceso, rectificación, cancelación ou oposición dos seus datos nos ficheiros corporativos da outra parte, nos termos establecidos na lexislación vixente.

Así mesmo, manterán a máis absoluta confidencialidade respecto dos datos de carácter persoal da outra parte aos que tivese acceso pola subscrición do presente convenio, e unicamente poderán cedelos aos organismos oficiais aos que estea legalmente obrigado, de acordo coa lexislación vixente, non podendo facelo con respecto a terceiros privados, todo iso de conformidade co previsto na Lei Orgánica 3/2018, do 5 de decembro, de Protección de Datos Persoais e garantía dos dereitos dixitais e demais normativa de a

Sétima.- Notificación de violacións de seguridade

Tanto o Servizo Galego de Saúde como o concello de Abegondo notificarán a Fundación Deporte Galego, como responsable do tratamento, sen dilacións e, en todo caso, no prazo máximo de tres días, as violacións da seguridade dos datos persoais que sexan obxecto de tratamento na Plataforma D.A.F.I.S., das que teña coñecemento, xunto coa información relevante para a documentación e comunicación da incidencia.

Oitava.- Financiamento

A formalización deste convenio non suporá compromisos nin obrigas de carácter económico para as partes asinantes.

A súa execución realizarase con medios humanos e materiais propios de cada unha das partes e dos que xa dispoñen.

Novena.- Confidencialidade

Cada unha das partes comprométese a non difundir, baixo ningún aspecto, as informacións científicas ou técnicas pertencentes á outra parte ás que puidese ter acceso no desenvolvemento do presente Convenio, sempre que esas informacións non sexan de dominio público.

Os datos e informes obtidos durante a realización dos proxectos, así como os resultados finais, terán carácter confidencial.

Décima.- Causas de resolución

Son causas de resolución do presente convenio:

- a) O incumprimento total ou parcial das súas cláusulas.
- b) O mutuo acordo entre as partes, que será adoptado cunha antelación mínima dun mes á prevista para a finalización da súa vixencia ou prórroga.
- c) O transcurso do tempo estipulado de duración do mesmo.
- d) Calquera das partes poderá, á súa vez, resolver o presente acordo comunicándoo por escrito á outra parte con seis (6) meses de antelación á data en que vaia a dalo por terminado.

Undécima.- Natureza Xurídica

Este acordo ten natureza de convenio de colaboración, quedando excluído da aplicación da lexislación dos contratos administrativos, a teor do disposto no artigo 4 da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.

Este acordo ten natureza administrativa. As dúbidas que poden xurdir sobre a súa interpretación resolveranse de mutuo acordo entre as partes pola comisión de seguimento. Con todo, no caso de persistencia do desacordo, corresponderá á xurisdición contencioso administrativa resolver as cuestións litixiosas que poidan xurdir da súa interpretación e cumprimento.

Duodécima.- Rexistro de convenios, transparencia e bo goberno

A firma deste Convenio de Colaboración leva implícito o consentimento expreso das persoas intervinientes para que a Administración pública autonómica galega poda facer públicos os datos de carácter persoal que figuren nel, de acordo co disposto na Lei 19/2013, do 9 de decembro, de transparencia, acceso á información pública e bo goberno, e a Lei galega 1/2016, do 18 de xaneiro, de transparencia e bo goberno.

O presente Convenio será obxecto de inscrición no Rexistro de Convenios da Xunta de Galicia, nos termos previstos no Decreto 126/2006, do 20 de xullo, polo que se regula o Rexistro de Convenios da Xunta de Galicia.

Décimo terceira.- Comisión de seguimento

Para garantir a correcta execución e o seguimento do pactado neste Convenio constituirase unha Comisión de Seguimento composta de forma paritaria por persoas representantes das partes asinantes. A Presidencia recaerá no representante do Servizo de Galego de Saúde quen a súa vez terá o voto de calidade de desempate no seu caso.

Esta Comisión reunirase en sesión ordinaria logo da sinatura do Convenio e para determinar e validar a temporalidade dos traballos, medios materiais e humanos e as normas para a coordinación, execución e seguimento do proxecto.

A Comisión fixará as súas propias normas de funcionamento, debendo reunirse con carácter ordinario polo menos unha vez ao ano ou, de forma extraordinaria, cando o solicite

xustificadamente calquera das partes. Para estes efectos, serán válidas as reunións por teleconferencia ou videoconferencia.

Á Comisión correspóndenlle as seguintes funcións:

- a) Realizar o seguimento das accións derivadas do convenio ou dos seus acordos específicos.
- b) Actuar como vehículo de transmisión de todas as informacións e comunicacións que, con carácter global, sexan de interese para as partes.
- c) Resolver as discrepancias e controversias que poidan xurdir na interpretación das cláusulas do convenio ou dos seus acordos específicos.
- d) Elevar aos órganos competentes das entidades as propostas de mellora, adaptación ou modificación do presente Convenio que se consideren pertinentes.
- e) Calquera outra que se encamiñe ao cumprimento do convenio, conforme aos intereses das partes.

Décimo cuarta.- Vixencia e prórroga

O presente convenio empezará a producir os seus efectos a partir da súa sinatura e terá unha duración de tres anos, podendo ser prorrogado expresamente por períodos anuais previa solicitude de algunha das partes cun mes de antelación ao vencemento do devandito período.

En proba de conformidade, asínase por triplicado exemplar o presente convenio

Julio García Comesaña

José Ramón Lete Lasa

**Conselleiro de Sanidade e presidente do
Servizo Galego de Saúde**

Presidente da Fundación Deporte Galego

José Antonio Santiso Miramontes

Alcalde-Presidente do concello de Abegondo

ANEXO I. DESCRICIÓN DO PROCEDEMENTO PARA O PROGRAMA ADESTRA A TÚA SAÚDE

Centro de saúde

O persoal sanitario informará sobre a conveniencia de realizar exercicio físico para mellorar a súa saúde e sobre a existencia do programa "Adestra a túa saúde". Unha vez que o/a paciente acepte participar, elaborárase un informe coa avaliación da condición física, a avaliación da condición cardiorrespiratoria e a ficha de pauta de exercicio.

O persoal do centro de saúde concertará unha cita do/a paciente co/a promotor/a de exercicio físico asignado polo concello que poderá consultalas na axenda de cita creada a tal efecto. Para isto, o/a promotor/a deberá asinar o formulario de solicitude de acceso remoto descrito no Anexo II.

Ademais, o persoal do centro de saúde concertará unha cita con enfermería para realizar o seguimento aos 4 meses aproximadamente.

Concello de Abegondo

O Concello de Abegondo designará unha persoa promotora de exercicio físico que deberá inventariar e validar os recursos dispoñibles no concello que cumpran os requisitos adecuados para a execución do programa "Adestra a túa Saúde". Será o responsable de recibir ás persoas usuarias derivadas polos centros sanitarios, realizarlles as entrevistas iniciais, valorar a súa condición física e outros aspectos relevantes para a práctica de exercicio ou cambio de hábitos (predisposición, preferencias, necesidades, dispoñibilidade, accesibilidade...) e deseñarlles así como supervisarlles os seus programas de exercicio físico adaptado e de cambios de hábitos, conforme ás súas circunstancias persoais e aos recursos dispoñibles no concello.

O/A promotor/a será o/a responsable de introducir os datos necesarios na plataforma D.A.F.IS. e emitir informes periódicos de avaliación e seguimento para as persoas usuarias e para o persoal sanitario que os derivou ao programa.

O/A Promotor/a de exercicio físico terá a titulación de Licenciatura/grao en Ciencias da Actividade Física e o Deporte e con formación no ámbito da actividade física e do exercicio para a mellora da saúde.

Ademais o/a promotor recadará o consentimento informado do/a usuario/a para o tratamento dos datos solicitados e para que o/a promotor poida acceder electronicamente á ficha de pauta de exercicio realizada polo/a profesional sanitario, cando estea dispoñible neste formato.

Inclúese como Anexo III a este acordo o modelo de consentimento que deben asinar para participar no programa e para autorizar o tratamento dos datos de carácter persoal e a súa cesión coas finalidades antes indicadas.

ANEXO II. FORMULARIO DE SOLICITUD DE ACCESO REMOTO

1. Tipo de acceso (escenarios) (marcar con una X)

Entrante	ACCESO REMOTO POR USUARIO CON CLIENTE VPN	x
	ACCESO REMOTO L2L	
	ACCESO REMOTO CENTROS CONCERTADOS	
Saínte	1 PC a SERVIDOR VPN EXTERNO	

2. Centro solicitante

Centro solicitante			
Ubicación			
Personal	Servizo		
Galego de Saúde responsa- ble	do		
seguimiento do contrato			
Servicio: Descripción do servizo que utiliza o equipo			
Interlocutor do centro: Responsable designado polo centro para a interlocución co CST sobre a configuración da conexión VPN e a recepción dos informes de conexión, así como calquera incidencia no servizo durante a súa vixencia.			
Nome e Apelidos			
Teléfono de contacto			

3. Concello que solicita o acceso

Razón social	
Domicilio social (Dirección, Código Postal, Poboación e Provincia)	
CIF	
Persoa de contacto técnico (Nome e apelidos)	
Teléfono de contacto	

4. Contrato en base ao que se solicita o acceso

Definición do contrato/acordo	Proxecto "Adestra a túa saúde"		
Finalidade do contrato/acordo	Soporte remoto ao Servizo Galego de Saúde.		
Fecha fin do		Número de referencia	

contrato		do contrato	
Se realiza tratamento de datos de carácter persoal			
Indicar o tipo de datos de carácter persoal (marcar cunha X)			
Poblacionais	X	Características sobre a personalidade das persoas	Ideoloxía
Circunstancias sociais		Solvencia patrimonial e Crédito	Afiliación sindical
Carreira profesional e formación		Administración tributaria	Religión ou crenzas
Datos económico-financieros		Entidades gestoras e servizos comúns da SS.SS.	Origen racial
		Infraccións admtvas. e penaies	Saúde X
		Prestación de servizos financeiros	Vida sexual
			Violencia de xénero
Usos que se vai a dar ao acceso			
Mantemento de equipos			
Mantemento de aplicacións			
Recepción de alarmas			

Tratamento de datos (análise de mostrás, estatísticas, etc.)	x
Outros (descripción deles)	

5. Relación descriptiva de equipos aos que se solicita o acceso

Centro solicitante			
Ubicación			
Servizo: Descripción do servizo que utiliza o equipo		Xestión de citas	
Nome do Equipo	372778	Dirección IP	
Función do equipo: Adquisición imaxe, Almacenamento temporal imaxe, Almacenamento datos paciente, Almacenamento informes, Xeración informe, Impresión imaxe, Visualización imaxe, etc.		Visualización das citas creadas para o proxecto Adestra a túa saúde	
Sistema operativo do equipo			
Gestor de Bases de Datos			
Aplicacións			
Tipo de datos almacenados no equipo (marcar con una X)			
Configuración do equipo	x	Configuración de aplicacións	
Datos demográficos de pacientes		Datos clínicos de pacientes	
Outros (descripción)			
Descrición das tarefas de mantemento que se realizarán sobre os equipos			
Nivel de permisos requiridos a nivel de:			
Dominio Servizo Galego de Saúde	NO		
Sistema operativo local	NO		
Base de Datos	NO		
Administración de usuarios de aplicación	NO		
Administración de perfiles de aplicación	NO		
Outros (descripción deles e especificación do nivel de permisos requiridos)			

Portos UDP/TCP a habilitar no equipo			
Porto			
Funcionalidade			
Dirección do fluxo de datos			
Equipo ata/desde o que se realizará o envío			
Volumen estimado de datos a enviar (Mb)			
<i>Esquema de arquitectura: describirase a nivel físico e lóxico a arquitectura de conexión de todos os equipos aos que se solicita anexo, así como os equipos xestionados desde ellos (equipos de radioterapia, electromedicina, etc.)</i>			

6. RELACIÓN DE PERSOAL QUE HARÁ USO DO ACCESO REMOTO

[illegible]

ACORDO MUTUO DE CONFIDENCIALIDADE DA INFORMACIÓN

Este **ACORDO MUTUO DE CONFIDENCIALIDADE E NON REVELACIÓN DE INFORMACIÓN** foi establecido o día 19 de October de 2022 entre a **CONSELLERÍA DE SANIDADE / SERVICIO GALEGO DE SAÚDE**, en adiante **CONSELLERÍA DE SANIDADE / SERVIZO GALEGO DE SAÚDE**, con domicilio social no *Edificio Administrativo San Lázaro 2º, 15703 Santiago de Compostela, A Coruña* e _____ con domicilio social no _____.

_____ presta os seus servizos (expediente/s «**códigos expedientes empresa**») á **CONSELLERÍA DE SANIDADE / SERVIZO GALEGO DE SAÚDE** e necesitará por isto acceder á información e datos propiedade do mesmo para poder levar a cabo a realización dos traballos encomendados (*en adiante "Empresas" ou de forma individual "Empresa"*).

Por elo e atendendo á confidencialidade da información e privacidade dos datos, ambas as dúas partes acordan o seguinte:

1. **INFORMACIÓN CONFIDENCIAL:** É vontade da **CONSELLERÍA DE SANIDADE / SERVIZO GALEGO DE SAÚDE** establecer como Información "Confidencial" os datos, coñecementos, resultados, invencións e ideas, así como proxectos actuais ou futuros, estratexias, software, aplicacións, deseños técnicos e funcionais, análises técnicos e funcionais, especificacións, código fonte das aplicacións e en xeral calquera documento ou material, empregado o xerado durante a prestación do servizo.
2. **NON REVELACIÓN DE INFORMACIÓN:** A Empresa prestadora de servizos, incluíndo aos seus empregados, non revelará a Información a calquera outra persoa ou entidade non relacionada coa **CONSELLERÍA DE SANIDADE / SERVIZO GALEGO DE SAÚDE**.

A Empresa fará uso da Información co único propósito de ser utilizada dentro do marco dos traballos asignados. Fora deste ámbito, a Información non poderá ser usada, vendida, explotada ou copiada por parte da Empresa prestadora de servizos.

En caso de que a información tratada contenda datos persoais, a Empresa garantirá as medidas de seguridade contempladas na lexislación vixente na materia.

No caso de que a empresa subcontrate servizos a outra que impliquen o acceso a información confidencial ou con datos de carácter persoal deberá pedir autorización ao responsable do ficheiro para elo (Secretaría Xeral Técnica de la Consellería de Sanidade) mediante escrito xustificativo e delimitando os datos aos que se terá acceso así como a finalidade do tratamento que se realizará.

3. **PROTECCIÓN DA INFORMACIÓN:** A Empresa tomará as precaucións adecuadas á hora de preservar a Información de terceiras persoas e, entre outras, comunicará á **CONSELLERÍA DE SANIDADE / SERVIZO GALEGO DE SAÚDE** as baixas da empresa/contrato no mesmo momento en que se produzan, de cara a que se podan deshabilitar os usuarios asociados. Calquera incidencia de seguridade provocada por non haber tramitado a dita baixa será responsabilidade da Empresa.
4. **PERSONAS AUTORIZADAS AO USO DA INFORMACIÓN:** A Información unicamente poderá ser revelada pola Empresa aos seus empregados en caso de que os traballos así o requiran. Para elo, a Empresa deberá rexistrar como e a quen se revelou a Información así como cando se produciu. Aqueles empregados da Empresa, ou da empresa subcontratada por esta en caso de autorización previa de acceso á información por parte do responsable de ficheiro, que teñan acceso á Información, deberán subscribir un acordo seguindo o modelo de Acordo persoal de Confidencialidade e non revelación de información.
5. **TRATAMENTO DE DATOS:** O adxudicatario, na súa condición de encargado do tratamento, non aplicará nin utilizará tales datos con fins distintos aos derivados da natureza do contrato. En caso de que o adxudicatario destine os datos a outra finalidade, llos comunique o los utilice incumprindo as cláusulas anteriores, o receptor terá a consideración e a responsabilidade de Responsable do

Tratamento, excepto que medie autorización expresa do responsable do tratamento, caso no que terá a consideración de Encargado do Tratamento. En caso de incumprimento do estipulado, a empresa contratante e os técnicos que formen parte do equipo de traballo, serán responsables das infraccións que se deriven deste.

6. **DEVOLUCIÓN DEL MATERIAL:** Una vez concluido, por cualquier motivo, este Acuerdo, toda Información, el material utilizado y los documentos empleados durante la ejecución del Proyecto, serán devueltos a la **CONSELLERÍA DE SANIDADE / SERVIZO GALEGO DE SAÚDE**.
7. **PUBLICACIÓN DO ACORDO:** A Empresa contratada non poderá facer público o contido deste Acordo. O presente Acordo é en si mesmo confidencial.
8. **DURACIÓN DO ACORDO:** O Acordo de Confidencialidade, se manterá vivente aínda cando finalice a prestación de servizos por parte da Empresa provedora.

Atendendo ao establecido neste Acordo, D. _____ con D.N.I: <DNI/>, representando ao concello _____ con NIF/CIF: <NIF/CIF>, en calidade de _____ se compromete a cumprir, preservar e respectar coa dilixencia debida e a boa fe que o dereito e o espírito que este Acordo requiran.

POLO CONCELLO PROVEEDOR DE SERVICIOS *(sinatura e selo)*

_____, a de de 2022

sinatura

ACORDO PERSOAL DE CONFIDENCIALIDADE E NON REVELACIÓN DE INFORMACIÓN

Eu, _____ con D.N.I. <<DNI>>, empregado de _____, me comprometo a gardar estricta confidencialidade no relativo á información á cual podo ter acceso, segundo o establecido nos *Acordos Mutuos de Confidencialidade e non revelación de información* acordados entre _____ e a **CONSELLERÍA DE SANIDADE / SERVIZO GALEGO DE SAÚDE**.

_____, a de de 2022

Sinatura

Anexo III. MODELO DE CONSENTIMIENTO INFORMADO

PROGRAMA DE RECOMENDACIÓN DE EJERCICIO "ADESTRA A TÚA SAÚDE"

Estimado veciño/a:

O noso concello está adherido ao Programa de Recomendación de Exercicio "ADESTRA A TÚA SAÚDE, da Xunta de Galicia, que pretende a pauta de exercicio e actividade física desde o persoal sanitario e a través dun promotor de exercicio, que seguirá e avaliará a súa execución nos recursos dispoñibles no noso concello. A evidencia científica amosa que ter unha vida activa practicando exercicio físico de forma regular é unha maneira eficaz de previr múltiples patoloxías, aumentar a autoestima, evitar o consumo de substancias tóxicas, mellorar as relacións interpersoais e, en conxunto, aumentar a cantidade e calidade de vida.

**Mediante a sinatura do presente documento
presto o meu consentimento para:**

- A participación no programa ADESTRA A TÚA SAÚDE, do Concello de
- A recollida de datos necesaria para o mesmo, incluídos datos de saúde.
- O intercambio dos meus datos entre o Servizo Galego de Saúde e o Concello de para axudar no seguimento da miña condición física saudable e para alcanzar os obxectivos do programa.

Estes consentimentos poderán retirarse en calquera momento.

Nome e apelidos

DNI:

Sinatura .:

Localidade e data:, a de de 20....

INFORMACIÓN BÁSICA SOBRE PROTECCIÓN DE DATOS PERSOAIS

Dacordo co establecido pola normativa vixente en materia de protección de datos, informámoslle de que o Responsable de Tratamento dos seus datos persoais é o CONCELLO DE, con dirección en

1.-O Delegado de Protección de Datos do CONCELLO DE..... é co que poderá contactar en

2.- Finalidade do tratamento: Os datos serán utilizados para facerlle partícipe do programa DE RECOMENDACIÓN DE EJERCICIO "ADESTRA A TÚA SAÚDE" promocionada polo Concello de e descrita na presente solicitude, así como para leva a cabo a xestión administrativa que poidera derivarse da mesma.

3.-DATOS DE SAÚDE: Solicitaránselle datos relativos ao seu estado de saúde e dos tratamentos médicos que estea recibindo ou recibira, así como das alerxias e intolerancias alimentarias que presente, para evitar prácticas que poidan afectarlle. Debe ter en conta que, no caso de que omitira algún tipo de información ou non nos informara correctamente, poderán producirse danos na súa persoa dos que só vostede será responsable.

O feito de que non nos facilite parte da información solicitada poderá supoñer a imposibilidade de inscribirlle na actividade solicitada ao CONCELLO DE

4.-Prazo de conservación: os datos facilitados conservaranse mentres non se solicite a supresión dos mesmos e en calquera caso, mentres non houbera transcorrido o prazo de prescrición de posibles accións de responsabilidade derivadas do tratamento.

5- Lexitimación: Este tratamento de datos persoais está lexitimado polo consentimento que nos outorga coa firma da presente circular.

6.-Destinatarios de cesións: Os datos facilitados poderán ser obxecto de cesión a terceiros para o cumprimento de funcións directamente relacionadas cos fins lexítimos do programa RECOMENDACIÓN DE EJERCICIO "ADESTRA A TÚA SAÚDE" e, en particular, poderán ser comunicados ás seguintes entidades:

- Empresa contratada para desenvolver a actividade, coa intención única de prestar o servizo para o que se lle contratou.
- Concellos distintos do CONCELLO DE, Administración Pública Autonómica, Servizo Galego de Saúde ou calquera organismo público directamente relacionado coa Administración Pública Local.
- Forzas e corpos de seguridade do Estado, policía local, servizos de emerxencia, servizos sociais, servizos de saúde e benestar coa finalidade de prestar unha atención integral ós usuarios.
- Órganos xuridiccionais, en orde a manter unha cooperación e coordinación axeitada coa Administración de Xustiza

7.- Dereitos: Ten vostede dereito a acceder, rectificar ou suprimir os datos erróneos, solicitar a limitación do tratamento dos seus datos así como opoñerse ou retirar o consentimento en calquera momento e solicitar a portabilidade dos mesmos.

O CONCELLO DE dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios, nas nosas instalacións, sempre acompañados dunha copia do seu DNI para acreditar a súa identidade.

Se considera que non atendemos correctamente os seus dereitos, poderá formular unha reclamación ante a Agencia Española de Protección de datos, a través das seguintes vías: - Sede electrónica: www.aepd.es - Correo postal: C/ Jorge Juan 6, 28001 – Madrid - Teléfono: 901 100 099 – 91 266 35 17

PROGRAMA DE RECOMENDACIÓN DE EJERCICIO "ADESTRA A TÚA SAÚDE"
INFORMACIÓN SOBRE A PLATAFORMA DAFIS

Un dos aspectos fundamentais para poder avaliar os beneficios de participar neste programa é o de medir o nivel de condición física de cada participante, mediante a valoración de aquelas cualidades físicas e psicomotoras que permiten coñecer e facer o seguimento do seu estado físico, decidir cales son os aspectos que precisan mellorar e deseñar actuacións adaptadas ás súas necesidades.

Por este motivo, o concello, e como parte do Programa Adestra a túa Saúde, vai integrarse na **PLATAFORMA D.A.F.I.S.** (Datos de Actividade Física Saudable) de Galicia, unha iniciativa da Secretaría Xeral para o Deporte da Xunta de Galicia, a través da Fundación Deporte Galego, incluída dentro do Plan de Fomento de Actividade Física "Galicia Saudable", e recoñecida no ano 2018 pola Organización Mundial da Saúde - Europa (OMS) como boa práctica para implantar en todos os países do marco europeo.

Na **PLATAFORMA D.A.F.I.S.** recóllense unha serie de medidas antropométricas e resultados de probas físicas que se realizan no marco deste programa, e das que vostede recibirá un informe cos resultados a evolución da súa condición física e que pode consultar en www.dafis.xunta.es. O tratamento destes datos é confidencial, sendo accesibles exclusivamente polo promotor e o persoal facultativo e de enfermería do Servizo Galego de Saúde. Unha vez que os datos das valoracións son introducidos na **PLATAFORMA D.A.F.I.S.**, a Fundación Deporte Galego, elaborará e fará públicas as estatísticas para cada grupo de idade e sexo en Galicia. A fundación en ningún caso terá acceso individualizado aos datos dos participantes.

Mediante a sinatura do presente documento presto o meu consentimento para:

A incorporación dos meus resultados nas probas físicas na Plataforma DAFIS, a preparación dos informes cos resultados e a elaboración das estatísticas da plataforma.

A cesión dos datos ó Servizo Galego de Saúde para axudar no seguimento da miña condición física saudable.

Estes consentimentos poderán retirarse en calquera momento.

Nome e apelidos

DNI:

Sinatura .:

Localidade e data:a de de 20....

INFORMACIÓN BÁSICA SOBRE PROTECCIÓN DE DATOS PERSOAIS

Responsable do tratamento	Xunta de Galicia – Fundación Deporte Galego
Finalidades do tratamento	Promover un estilo de vida activa e saudable na poboación galega, mediante a práctica do exercicio físico, medir o nivel de condición física a través da valoración de datos resultantes de probas físicas que se realizan dentro do programa ADESTRA A TÚA SAÚDE, que permiten facer o seguimento do estado físico dos participantes, para deseñar actuacións adaptadas ás súas necesidades.
Lexitimación para o tratamento	Cumprimento dunha misión de interese público (Lei 3/2012, do 2 de abril, do deporte de Galicia). Consentimento do interesado
Destinatarios dos datos	SERGAS, para o seguimento da condición física do estudante por parte do persoal facultativo e de enfermaría
Categorías de datos e procedencia	Datos de medición recadados a través de probas físicas que se realizan dentro do programa ADESTRA A TÚA SAÚDE. Os datos identificativos das persoas participantes son cedidos pola Consellería de Sanidade-SERGAS.
Exercicio de dereitos	As persoas interesadas poderán solicitar o acceso, rectificación, oposición, limitación, e supresión dos seus datos segundo se recolle en https://www.xunta.gal/exercicio-de-dereitos . Os maiores de catorce anos poderán exercer por si mesmos os dereitos que lles corresponden. As persoas interesadas que consideren vulnerados os seus dereitos poden presentar reclamación ante a Axencia Española de Protección de Datos ou con carácter previo ante o delegado de protección de datos, segundo se recolle en https://www.xunta.gal/exercicio-de-dereitos
Contacto delegado/a de protección de datos e máis información	https://www.xunta.gal/proteccion-datos-persoais